



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-04-30583-15/21  
Sarajevo, 20.08.2021. godine

**SKUPŠTINA KANTONA SARAJEVO**  
**-Služba za skupštinske poslove-**

**PREDMET: *Odgovor na zastupničku inicijativu – dostavlja se***

Zastupnica Skupštine Kantona Sarajevo, Smiljana Viteškić, na 40. Radnoj sjednici Skupštine Kantona Sarajevo, održanoj dana 09.08.2021. godine, u okviru tačke Dnevnog reda, „Poslanička/zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, uputila je zastupničku inicijativu:

**• Za formiranje Službe za mrtvozorstvo KS ili Mrtvozorničke službe KS, koja će raditi 24h, na cijelom području Kantona Sarajevo?**

U vezi sa upućenom zastupničkom inicijativom dostavljamo Vam slijedeći:

**ODGOVOR**

Ministarstvo zdravstva Kantona Sarajevo je shodno svojim nadležnostima donijelo je Rješenje o imenovanju doktora medicine ovlaštenih za pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo broj: 10-37-39085/18 od 28.01.2019. godine („Službene novine Kantona Sarajevo“, broj 8/19).

Navedenim rješenjem imenovani su doktori medicine – mrtvozornici iz JU Dom zdravlja Kantona Sarajevo, JU Zavod za hitnu medicinsku pomoć Kantona Sarajevo i jedan doktor medicine iz Pokopnog društva „BAKIJE“ Sarajevo.

Shodno predmetnom rješenju imenovani doktori medicine – mrtvozornici iz JU Dom zdravlja Kantona Sarajevo, pregled, utvrđivanje vremena i uzroka smrti osoba umrlih izvan zdravstvene ustanove, na području Kantona Sarajevo, su obavezni da vrše u vremenu od 08<sup>00</sup>h do 20<sup>00</sup>h, a imenovani doktori medicine - mrtvozornici iz JU Zavod za hitnu medicinsku pomoć Kantona Sarajevo, pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo, su obavezni da vrše u vremenu od 20<sup>00</sup>h do 08<sup>00</sup>h narednog dana.

Na ovaj način je oblast mrtvozorstva pokrivena svaki dan u sedmici kompletna 24 sata i na cijelom području Kantona Sarajevo.

Ministarstvo zdravstva Kantona Sarajevo je naprijed navedenim rješenjem pored doktora medicine - mrtvozornika imenovanih iz JU Dom zdravlja Kantona Sarajevo i JU Zavod za hitnu medicinsku pomoć Kantona Sarajevo, imenovalo i jednog doktora medicine - mrtvozornika iz Pokopnog društva „BAKIJE“ Sarajevo, koji je zaposlen u stalnom radnom odnosu u navedenom pokopnom društvu, s tim što usluge koje obavlja imenovani doktor plaća pomenuto pokopno

društvo, jer Ministarstvo zdravstva Kantona Sarajevo može plaćati usluge mrtvozorstva samo imenovanim doktorima iz javnih zdravstvenih ustanova.

Navedenim rješenjem ovlašteni doktori medicine – mrtvozornici su obavezni pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo, vršiti u skladu sa odredbama Pravilnika o načinu pregleda umrlih, te utvrđivanja vremena i uzroka smrti („Službene novine Federacije BiH“, broj 79/13 i 9/14).

U proteklom periodu Ministarstvo zdravstva Kantona Sarajevo nije imalo pritužbi na rad imenovanih doktora medicine – mrtvozornika, a obavljanje poslova mrtvozorstva se vršilo u skladu sa zakonskim i podzakonskim aktima.

*S poštovanjem,*

**MINISTAR**

**Prof. dr Haris Vranjčić**

Dostaviti:  
1. Naslovu  
2. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

